

# PROCLAMATIE

## Jeugdprins Lino en Jeugdprinses Evi !!!

Vandaag, zondig de 13<sup>e</sup> januari 2013, de daag van de einskigste en allesjoanste Sjënnesse Jeugdzitting, de daag van ut oetroope van de nuuje jeugdprins en jeugdprinses van alle Schinösterkes en Schinösterinnekes, höbbe veer Jeugdprins Lino en Jeugdprinses Evi, veur de 4x11e keir, de geweldige eer om uch oos proclamatie van dit jubileumjoar 2013 te loate heure!

Ich **Jeugdprins Lino de eesjte**, 11 joar oud, nog dageliks te vinge op de basisschoal in groep 8, dè neve liere auch mitzunt in ut kuerke van juf Andrea. Mit es groate hobbie muziek maake bie de fanfaar, oonger angere in de drumbend en in de jeugdfanfare MuSjiek, dit doon op schlaagwerk. Es angere groate hobbie geir doon voetballe bie de voetbalclub van Sjènne en es allerleefste pizza eate.

Ich **Jeugdprinses Evi de eesjte**, auch 11 en in de letste groep van de Bress, eejste dochter van trotse mam Wendy en auwt Prins Marcel, Landjhier vanaaf 't sjoar pes aan de autowaeg en Opper kladsjilder, groate zöster van Isa, gek op peard en zènge.

*Verkloare hiebie same dat;*

### **Ten eisjte;**

Veer jeugdprins Jordy, Jeugdprinses Lieke en hunne narreman Brian hartelik wille bedanke veur de geweldige jeugdcarnaval van afgelaupe joar.

### **Ten tweede;**

Dat veer hiejl greutsch zint dat oos ouwesj os höbbe opgegaeve veur jeugdprins en jeugdprinses en dat oud burgemeister Beckers noe sjuus ozze naam getrokke heit oet ziene hoagen hoot.

### **Ten driede;**

Dat Guy gans enthousiast woar en meteen insjtumde wie veer hum vroege om ozze narreman te wère.

### **Ten veerde;**

Veer hiejl blie zint dat er ummer miejr kènjer wille mitdoon aan de Sjënnesse jeugdcarnaval wat bliek oet 't aantal aanmeldingen veur jeugdprins en jeugdprinses.

### **Ten vijfde;**

Dat veer same enorm trots en vereert zin dat veer nève de groate Prins ..... , ziene narreman ..... en de wieze road, es jeugdprins, jeugdprinses en jeugdnarreman ongersjteund door de jeugdroad, 3 daag lank veurop moage goan in de polonaise en dat veur de 44<sup>e</sup> keir in ut onvergankelijk Schinösterriek !!!

### **Ten zösde;**

Veer mit straffe handjt goan toezen op ut noaleave door jekerein, zonger oetzoongering, van joonk tot oud, op ut mitsjprènge, mitdanse, mitzènge en veural ut mitdoon op die gekke daag van carnaval.

### **Ten zevende;**

Dat wei zich neet wilt houte aan ut veurige artikel, veur altied gesjtroaft zal waere mit ut sjpiet kriege en houte en zichzelf enorm te kort deit in ut veule sjpass en plezeer dat veer mit uch wille make en belève!

### **Ten achste;**

Dat veer houpe dat jekerein, van groat tot klein, respect krit, respect heit en respect hilt veurein, neet allein mit carnaval mehr auch donoa!

### **Ten neugende;**

Dat ut eine carnaval geit wère dei veer noats miee zulle vergète in Sjènne.

### **Ten tiende;**

Veer veur noe genoeg gekalt höbbe en ut langsam tied wurt oom te goan hosse en polonaise loupe in deze geweldige narretempel.

### **Ten elfde en tot sjlot;**

Veer dees proclamatie wille aafsijlete mit jekerein eine geweldige carnaval te wunsche en dat doon ongersjteunt door ozze hofkapel MuSjiek mit eine driekreftige; **ALAAF!, ALAAF !!, ALAAF!!!**

# PROCLAMATIE

Jeugdprins Lino en Jeugdprinses Evi !!!



2013